

14. januar 2019

Inatsisartut suleriaasianni § 37 imm. 1 naapertorlugu Naalackersuisunut apeqput imaattoq matumuuna saqqummiuppara:

**Naalackersuisunut apeqput:**

**1. Apeqputit §37 naapertorlugit Naalackersuisunut ukiuni 2010-imi aammalu 2013-imi akeqquneqartut malillugit, takuneqarsinnaavoq aappariit nammineq pisuussutigiginagu meerartaarsinnaanngitsut misissugassanngorlugit katsorsagassanngorlugillu ikiorserneqarsinnaasut, arnaq pineqartoq 36-it ataallugit ukioqarpat. Dronning Ingrid-ip Napparsimavissuani uiusup anisuuani inissiilluni naartulersitsinermik neqerooruteqartarpoq, kisiannili atortorissaarutit atorlugit naartulersitsinermik neqerooruteqartaralik. Arfinileriarluni uiusup anisuuani inissiilluni naartulersitsinermik katsorsaaneq naartulernermik kinguneqanngippat, taava Rigshospitalimi IVF-imi katsorsarneqarsinnaavoq. Peqqinnissaqarfiup katsorsartinnermi aningaasartuutaasut Rigshospitalimiitillugu akilertarpaat, angalaneq najugaqarneq nerisaqarnerlu minillugu.**

**Paasisutissat qulaani pineqartut suli aappariinnut nammineq pisuussutigiginagu meerartaarsinnaanngitsunut atuutsinneqarpat?**

**2. Naalackersuisuniit missingersorneqarsinnaanerluni ukiumoortumik aningaasartuutitigut atuinerunissaq qanoq annertutigassanersoq, Peqqinnissaqarfiup siunissami angalanermut, najugaqarnermut nerisaqarnermullu aningaasartuutit meerartaarsinnaanngitsunut IVF-mik (aappariit nammineq pisuussutigiginagu meerartaarsinnaanngitsut katsorsarneqarnerat) misissugassanngorlugit Rigshospitalimi katsorsarneqarlutillu ikiorserneqalissappata?**

**3. Aappariit nammineq pisuussutigiginagu meerartaarsinnaanngitsut katsorsarneqarnissaannut Naalackersuisut allatigut piumasaqaataasinnaasunik killiliisinnaasunillu pingaaruteqarsinnaasunik taasassaqarpat?**

(Inatsisartunut ilaasorta, Laura Táunâjik, Siumut)

**Tungavilersuineq:**

Nammineq pisuussutigiginagu meerartaarsinnaanngitsut aappariinnerminni annertuumik artukiissutigisinnaasarpaat, taamaattumik ajunngilluinnarpoq katsorsaanissamik neqerooruteqarsinnaagatta.

Paaserusuppara ullumikkut neqeroorutaasartut ukiut 15-it matumap siorna neqeroorutaasartunut piunasaqaataasartunullu assingunersut.

Minnerunngitsumik aamma paaserusuppara, Rigshospitalimi IVF-imik katsorsaasoqartillugu peqqinnissaqarfiup angalaneq najugaqarneq nerisaqarnerlu sulii akilertarsimannginneraat. Aningaasartuutaavoq ima annertutigisoq, inunnut amerlanerpaanut akisuvallaassalluni.

Kissaatigaara apeqqutiga ullut suliffiusut 10 ingerlaneranni akineqassasoq.